



La fotografia muossa la grafica «Ananas» dad Agnes Indermaur.

MAD

## Novas lavurs graficas el Museum Sursilvan a Trun

■ Il Museum Sursilvan Cuort Ligia Grischa muossa en sia emprema exposiziun d'uonn novas lavurs graficas originals. 12 artistas ed artists, che fan part dall'Uniu «Luvratori da litografia e gravura dil casti da Haldenstein», exponan lur novas lavurs. Ei setracta da grafica en tut las tecnicas tradiziunals da stampar: stampa en relief, heliografia, stampa a plat. Aschia intermediaria l'exposiziun era ina impressiun multifara dallas pussevildads da s'exprimer en las tecnicas applicadas dalla stampa. La fotografia muossa la grafica «Ananas» dad Agnes Indermaur,

che seresulta dalla stampa en relief sco mezzotinto. Quei ei ina metoda manuala dalla stampa en relief tier la quala il motiv vegn elavuraus cun in sgratin sin ina platta d'rom gruvia. A caschun dalla vernissascha en la Cuort Ligia Grischa beneventa il president dalla uniuon menziunda, Peter Bernhard, ils interessents e Beat Stutzer, anteriur directur dalla Casa d'art a Cuera, fa l'introducziun. La vernissascha ha liug sonda, ils 22 d'avrel 2017, allas 17.00. L'exposiziun cuoza entochen ils 3 da zercladur 2017.

Giusep Decurtins

## Inaugurau la casetta da cudischs a Sagogn

■ (anr/cp) L'uniu Pro Sagogn ha astgau transformar ina veglia casetta da rumians che la vischnaunca da Sagogn duvrava buca pli e che dueva vegnir demontada en ina casetta da cudischs. La vischnaunca ha mess a disposiziun il material ed in luvrer communal ha gidau da far la midada. Aschia ei vegnida realisada ord in hetta da rumians che dueva vegnir dismessa ina biala ed attractiva casetta da cudischs. L'inauguraziun cun in pign act festiv ha giu liug sonda vargada. Suenter cuorts plaid da

Martina Beeli, commembra dalla supraztonza communal da Sagogn, e d'Ingrid Meyer, supraztonza dalla Pro Sagogn, han il president communal, Hans-Peter Casutt ed Ingrid Meyer astgau tagliar il pindel ed arver la casetta. Biars carschi ed era affons ein stai presents a quell'ocasiun. Ils emprems cudischs ein vegni eligi per prender a casa. Differentas persunas han purtau novs ed ordinau quels ellas crunas da cudischs. Duront l'inauguraziun ed igl apero ha la gruppa dils Sunatibas Ruinaulta delectau il publicum cun entgens

ted ed aschia embelliu la fiastetta. Il president dalla Pro Sagogn, Luis Poltéra, ha retschert bia laud per quella nova purschida a Sagogn. El spera che biaras persunas fetschien diever dalla pussevildad da brattar cudischs. Ussa sa mintgin dari prender cudischs gratuitamein. Per motivs da capacidat vegnan ils interessai supplicai da deponer mo paucs, denton bials ed en-tirs cudischs per che tuts hagen la pussevildad da far diever da quella purschida. La casetta ei aviarta mintga di dallas 07.00 entochen las 20.00.



Il president communal Hans-Peter Casutt ed Ingrid Meyer, supraztonza dalla Pro Sagogn, taglian il pindel.

MAD

## Impressiuns da Madagascar

Jeannette e Johann Cantieni han referiu da lur viadi tras l'insla africana

■ (anr/abc) Dacuort ha la pleiv reformada da Sagogn envidau la populaziun ad ina sentupada culla tiara da Madagascar. Ils veterinaris pensiuai Jeannette e Johann Cantieni-Zuidema han presentau lur viadi tras la quartgronda insla dil mund. Endisch uras hagi il sgol cuzzau ed els hagen giu pulit avunda dil seser. Perquei seigien els stai bials e leds da saver bandunar igl aviu. Ei fuva mesanotg cu quel ei setschentaus ella capitala Antananarivo. Ord igl aviu han havevan els manegiau da mirar giu sin ina insla verda. Cun ina surfatscha da 587 295 km<sup>2</sup> eis ei la quartgronda dil mund. En verdad seigi Madagascar ina tiara detg schetga e niua. Ins sa che la tiara fuva oriundamein curclada per 90 pertschien cun uaul, ei fuva pia in'insla verda. Oz dat ei mo pli rodond 10 pertschien uaul. Madagascar hagi circa treis gadas schi biars habitonts sco la Svizra, rodond 24 milliuns, sia surfatscha ei denton 14 tochen 15 gadas pli gronda che nossa tiara. Biaras specias d'animals e plontas che vivan a Madagascar ein endemics, els existan pia mo sin quell'insla e



Las vias ein buca schi cumadevilas: Ils biars Madagassis ein autoprovediturs. FOTOS J. CANTIENI

negliu auter sil mund. Suenter paucas uras ad Antananarivo ei la gruppa da viadi sgulada vinavon el sid dall'insla alla riva digl Ocean indic. Leu dat ei uauls da

mangrovas cun plontas che creschan ella mar. La gruppa han giu da traversar in tarment letg d'in flum che menava mo in dutg aua. Ei seigi l'emprema plevgia digl

onn, han ils viagiaturs enderschiu. La finala fuvi ils 22 d'october.

Jeannette Cantieni ha raquintau duront in'ura ed in quart dil viadi aventu-

rus e dallas sentupadas culla gliעד. L'ornitologa da hobi ha era viliu observar ils utschals endemics ch'ei dat mo a Madagascar. El referat ha ella dau peisa da cumbinar e raquintar dalla populaziun, dallas differentas cuntradas e dalla flora e fauna. La tiara enconusch'ins savens pervia dallas plontas culs bests gigants, ils baobabs. La referenta ha era mussau fotografias da lemurs ch'els han viu. Quei che ha impressiunau il per ei la curtesevildad dils carstgauns. Malgrad gronda pupira. Madagascar ei stau ina colonia franzosa da 1885 tochen 1960 e la Frontscha ha giu gronda influenza ed explotau ils scazis dalla tiara, oravontut lenna tropica. Oz posseda l'insla bunamein neginas resursas pli e batta cun problems economic. Il ris sco nutriment fundamental dalla populaziun sto vegnir importaus. Cun massa informaziun e detagls han els saviu avischar il presents alla quartgronda insla dil mund ch'ins enconuscha buca schi bein. Quei ch'ei in grond avantatg per l'entira naziun ei ch'els san discuorer in cun l'auter in lungatg communabel, il malagasy.



Ils lemurs ein ina specia da schemias ch'ei dat mo a Madagascar.



Ina tipica scena ora el liber agl ur d'in marcau.